

31. oktober 2006

UKA 2006/43

Aalisarnermut aningaasaliissutitut immikkoortitat pillugit Inatsisartut inatsisissaattut nr. xx, xx 2006-imeersumut siunnersuummut allannguutissatut siunnersuut

§ 1

Aalisarnermut aningaasaliissutitut immikkoortitat pillugit Inatsisartut inatsisissaattut siunnersuummi makku allannguutigineqassapput:

1. § 16 ima oqaasertalerneqassaaq:

„Inatsisartut inatsisaat ulloq 15. december 2006 atuutilissaaq.“

§ 2

Inatsisartut inatsisaat ulloq 15. december 2006 atuutilissaaq.

Namminersornerullutik Oqartussat, ulloq xx.yy. 2006

Hans Enoksen

/

Finn Karlsen

Inatsisissatut siunnersuummut nassuiaatit

Nalinginnaasumik oqaaseqaatit

1. Aallaqqaasiut:

Allannguutissatut siunnersuut nassiunneqarpoq tunuliaqutigalugu, 2006-imi Aningaasanut inatsimmi kontomi 50.06.50-imi, Aalisarnermik ineriartortitsinermit sillimmatit, atunngitsuukkat teknikkikkut akornutitaqanngitsumik Aningaasanut inatsimmut 2007-imut ukiunullu tulliuuttunut nuunneqarnissaat qulakkeerneqassamat.

2. Siunnersuutip immikkoortui pingaarnert:

Immikkoortoq pingaarneq tassaavoq aningaasaliissutit 2006-imi atunngitsuukkat 2007-imut ukiunullu tulliuuttunut nuunneqarnissaasa qulakkeerneqarnissaat.

3. Pisortanut aningaasaqarnikkut allaffissornikkullu kingunissai:

Pisortanut aningaasaqarnikkut allaffissornikkullu allannguutissatut siunnersuut kinguneqassanngilaq.

4. Inuussutissarsiortunut aningaasaqarnikkut allaffissornikkullu kingunissai:

Inuussutissarsiortunut aningaasaqarnikkut allaffissornikkullu siunnersuut kinguneqassanngilaq.

5. Avatangiisitigut pinngortitamullu tunngasutigut kingunissat:

Siunnersuut avatangiisitigut pinngortitamullu tunngasutigut kinguneqassanngilaq.

6. Innuttaasunut allaffissornikkut kingunissat:

Siunnersuut innuttaasunut allaffissornikkut kinguneqassanngilaq.

7. Naalagaaffeqatigiinnermut namminersulernissamullu tunngasut:

Naalagaaffeqatigiinnermut namminersulernissamullu allannguutissatut siunnersuut kinguneqassanngilaq.

8. Oqartussanik kattuffinnillu tusarniaaneq:

Allannguutissatut siunnersuut Aningaasaqarnermut Pisorta qarfimmu tusarniutigineqarpoq, taakkulu akissutaat inatsisissatut siunnersuummi ilanngunneqarput.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut.

Inatsisissatut siunnersuummi siullermi atuutilerfissaatut ulluliunneqarsimavoq 1. januar 2007. Allannguutissatut siunnersuummi piffissap 15. december 2006-imut allanngortinneqarnissaa siunnersuutigineqarpoq, qulakkeerniarlugu teknikkikkut ajornaquteqanngitsumik, 2006-imi aningaasaliissutigineqarsimasut 2006-imi naatsorsuutitut aalisarnermut aningaasaliissutinut immikkoortitanut

inissinneqarnissaat. 2006-imi aningaasaliissutigineqarsimasut matuma ki-ngorna 2007-imi ukiunilu tulliuttuni atorneqarsinnaalissapput.

§ 2-*mut.*

Siunnersuutigineqarpoq inatsit 15. december 2006 atuutilissasoq.